

ხელშეკრულება №0505/55  
სახელმწიფო შესყიდვის შესახებ  
(კონსოლიდირებული ტენდერი №CON170000073)

ქ. ბათუმი

„29“ ოქტომბერი 2018 წ.

ერთი მხრივ სსიპ ფრიდონ თურმანიძის სახელობის ქედის მუნიციპალიტეტის სოფელ მერისის შემდგომში - „შემსყიდველი“, წარმოდგენილი დირექტორის მ/შ გია ბარამიძის სახით და მეორე მხრივ ს/ს „ვისოლ პეტროლიუმ ჯორჯია“, შემდგომში - „მიმწოდებელი“, წარმოდგენილი ბათუმის სერვის ცენტრის ხელმძღვანელის რამაზ ხინთიბიძის სახით, ორივე ერთად წოდებული, როგორც „მხარეები“, ვმოქმედებთ, „სახელმწიფო შესყიდვების შესახებ“ საქართველოს კანონის 20<sup>ე</sup> მუხლის, სახელმწიფო შესყიდვების სააგენტოს თავმჯდომარის 2014 წლის 4 დეკემბრის №11 ბრძანებით დამტკიცებული ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების, აგრეთვე „2018 წელს ნავთობპროდუქციის (საწვავის) სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2017 წლის 4 დეკემბრის №2530 განკარგულების და 2018 წლის კონსოლიდირებული ტენდერის **CON170000073** - დიზელი (არაუმეტეს 10 PPM) გატანა ნავთობბაზიდან, სითხის სახით - სატენდერო დოკუმენტაციის საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ (შემდგომში - ხელშეკრულება) - შემსყიდველსა და მიმწოდებელს შორის 2018 წლის განმავლობაში არაუმეტეს 10 ppm დიზელის (გატანა ნავთობბაზიდან) სახელმწიფო შესყიდვის მიზნით, **CON170000073** კონსოლიდირებული ტენდერის ფარგლებში დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე იმ დოკუმენტებით და დანართებით, რომლებზეც ხელშეკრულებაში არის მინიშნებები.
- 1.2 „ხელშეკრულების საორიენტაციო ღირებულება“ - საერთო თანხა, (შესასყიდი საორიენტაციო რაოდენობა გამრავლებული 1 ლიტრი საწვავის სავარაუდო ფასზე), რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების შესრულებისათვის წინამდებარე ხელშეკრულებით გათვალისწინებული პირობების შესაბამისად.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - იურიდიული პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.6 „საქონელი“, „საწვავი“ - ხელშეკრულების 2.1 პუნქტით განსაზღვრული შესყიდვის ობიექტი.
- 1.7 სატენდერო დოკუმენტაცია - 2018 წლის კონსოლიდირებული ტენდერის **CON170000073** - დიზელი (არაუმეტეს 10 PPM) გატანა ნავთობბაზიდან - სატენდერო დოკუმენტაცია.

2. ხელშეკრულების საგანი და შესყიდვის ობიექტი

2.1 ხელშეკრულების საგანს წარმოადგენს შემსყიდველის მიერ ( სკოლა პანსიონისათვის) საწვავის - დიზელი (არაუმეტეს 10 PPM), გატანა ნავთობბაზიდან, სითხის სახით (შემდგომში - ევროდიზელი). მიწოდების ვადა: ხელშეკრულების გაფორმებიდან, მაგრამ არაუადრეს 2018 წლის 29 ოქტომბრიდან 2018 წლის 31 დეკემბრის ჩათვლით.

2.2 ხელშეკრულებით განსაზღვრულ შესყიდვის ობიექტს წარმოადგენს საწვავი, რომლის საორიენტაციო მოცულობა შეადგენს 5000 ( ხუთიათასი) ლიტრს.

2.3. საწვავის შესყიდვა განხორციელდება შემსყიდველის უფლებამოსილი პირის მოთხოვნის შესაბამისად. წინამდებარე ხელშეკრულების მოქმედების პერიოდში შემსყიდველის მხრიდან და მისი სახელით საწვავის მიღებაზე, აგრეთვე შესაბამისი მიღება-ჩაბარების აქტების ხელმოწერაზე უფლებამოსილი პირი არის \_\_\_\_\_ (სახელი, გვარი, პირადი ნომერი) და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურიდიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

2.4 ხელშეკრულებაში მითითებული შესასყიდი ევროდიზელის მოცულობა, ერთი ლიტრი, ევროდიზელის ფასი და ხელშეკრულების ღირებულება საორიენტაციო ხასიათისაა და შესაძლებელია შეიცვალოს ხელშეკრულების მოქმედების პერიოდში.

2.5 მიმწოდებელმა ხელშეკრულების გაფორმებიდან, მაგრამ არაუადრეს 2018 წლის 29 ოქტომბრიდან 2018 წლის 31 დეკემბრის ჩათვლით (ერთიანად ან ეტაპობრივად, შემსყიდველის მოთხოვნის შესაბამისად) უნდა უზრუნველყოს ევროდიზელის მიწოდება მიმწოდებლის ნავთობბაზებიდან (მდებარე: 1. ქ. თბილისი, აეროპორტის მიმდებარე ტერიტორია ან/და 2. ქ. სამტრედია, ამირან ბახტაძის პირველი ჩიხი, N23), საიდანაც საწვავის მხარეთა შორის შეთანხმებულ მისამართზე ტრანსპორტირებას საკუთარი ტრანსპორტით და ხარჯით უზრუნველყოფს მიმწოდებელი (რა დროსაც ტრანსპორტირების ხარჯი შედის მისაწოდებელი საწვავის ფასში), თუ მხარეთა ურთიერთშეთანხმებით სხვა რამ არ არის დადგენილი. ამასთან, თითოეულ შეკვეთაზე მისაწოდებელი საწვავის რაოდენობა არ უნდა იყოს 2000 (ორი ათასი) ლიტრზე ნაკლები.

### 3. ხელშეკრულების ღირებულება

- 3.1 ხელშეკრულების საორიენტაციო ღირებულება შეადგენს 11900 (თერთმეტიათასცხრასი) ლარს.
- 3.2 საწვავის საორიენტაციო რაოდენობა, სახეობა და ერთეულის სავარაუდო ფასი მოცემულია წინამდებარე ხელშეკრულების დანართი N1-ში.
- 3.3 საწვავის ღირებულება მოიცავს როგორც საწვავის ღირებულებას (დღგ-ს ჩათვლით), ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს.

### 4. შესყიდვის ობიექტის ფასის განსაზღვრა და ანგარიშსწორების პირობები

4.1 კონსოლიდირებულ ტენდერში მიმწოდებლის მიერ დაფიქსირებული ყველაზე დაბალი საბოლოო ფასიდან გამოითვლება „Z“ აშშ დოლარში, ასეულის სიზუსტით (ტრანსპორტირებასთან, ლოჯისტიკასთან და შენახვასთან დაკავშირებული ხარჯები, ზედნადები ხარჯები და საწარმოს მოგება) შემდეგი ფორმულის მეშვეობით:

$$Z = \left( \frac{C_{bid} \cdot 1000}{D \cdot 1.18} - A_{nov} \right) \cdot \frac{1}{R_{nov}} - P_{nov}$$

რომელშიც:

$C_{bid}$  - ელექტრონული ვაჭრობის შედეგად დაფიქსირებული საბოლოო ფასი 1 ლიტრ ევროდიზელზე (ლარში);

$R_{nov}$  - აშშ დოლართან მიმართებაში ლარის ოფიციალური გაცვლითი კურსი 2017 წლის ნოემბრის თვის საშუალო არითმეტიკული;

$D$  - მიმწოდებლის სატენდერო წინადადებით წარმოდგენილი ევროდიზელის სიმკვრივის მაჩვენებელი (გრ/სმ<sup>3</sup>);

$P_{nov}$  - PLATTS EUROPEAN MARKETSCAN-ის FOB Med (Italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის 2017 წლის ნოემბრის თვის საშუალო არითმეტიკული ფასი აშშ დოლარში (შემდგომში - პლაცის ნიშნული);

$A_{nov}$  - 2017 წლის ნოემბრის თვეში ერთ მეტრულ ტონა საწვავზე აქციზის ოდენობა ლარებში;

$Z$  და  $D$  სიდიდეები უცვლელია 2018 წლის 31 დეკემბრის ჩათვლით.

4.2 მიმწოდებელი ახორციელებს ყოველი მიმდინარე კალენდარული თვისათვის 1 ლიტრი ევროდიზელის ნომინალური ღირებულების განსაზღვრას, თვის პირველივე სამუშაო დღეს (შემდგომში - ნომინალური ღირებულება -  $C_{nom}$ ) შემდეგი ფორმულის მეშვეობით:

$$C_{nom} = \frac{((P+Z)R+A) \cdot 1.18 \cdot D}{1000}$$

სადაც,  $P$  და  $R$  წარმოადგენს მიმდინარე წინა კალენდარული თვის შესაბამისი მონაცემების საშუალო არითმეტიკულ სიდიდეებს,  $A$  - მიმდინარე თვისთვის მოქმედ ერთ მეტრულ ტონა საწვავზე აქციზის ოდენობას ლარებში, 18% - დღგ, ხოლო  $Z$  და  $D$  - 4.1 პუნქტით გათვალისწინებულ გამარჯვებული სატენდერო წინადადებით წარმოდგენილ უცვლელ სიდიდეებს.

4.3 ნავთობპროდუქციის (საწვავის) სპეციფიკაციიდან გამომდინარე, მისი ღირებულების საერთაშორისო სასაქონლო ბირჟაზე არსებულ ცვალებად ფასზე ( $P$ ) ან/და აშშ დოლართან მიმართებაში ეროვნული ვალუტის ოფიციალური გაცვლით კურსზე ( $R$ ) ან/და ერთ მეტრულ ტონა საწვავზე აქციზის ( $A$ ) ოდენობაზე დამოკიდებულების გამო, მიმწოდებელი ვალდებულია შემსყიდველ ორგანიზაციას ყოველთვიურად წარუდგინოს ნომინალურ ღირებულებაზე დაყრდნობით გამოთვლილი მიმდინარე თვის განმავლობაში მისაწოდებელი საქონლის ერთეულის ფასი (მიმდინარე თვის სახელშეკრულებო ფასი -  $C_1$ ).

4.4 2018 წლის იანვრის სახელშეკრულებო ფასი განისაზღვრება ელექტრონული ვაჭრობის შედეგად დაფიქსირებულ 1 ლიტრი ევროდიზელის საბოლოო ფასის ( $C_{bid}$ ) ტოლი სიდიდით. ყოველი მომდევნო თვის სახელშეკრულებო ფასი კი გამოითვლება 1 ლიტრი ევროდიზელის ნომინალურ ღირებულებაზე დაყრდნობით, შემდეგი პრინციპის გათვალისწინებით:

ა) მიმწოდებელი, ითვალისწინებს რა პლაცის ნიშნულის, აქციზისა და სავალუტო კურსის ცვლებადობას, ყოველი კალენდარული თვის პირველ სამუშაო დღეს, განსაზღვრავს 1 ლიტრი ევროდიზელის მიმდინარე თვის სახელშეკრულებო ფასს შემდეგი პრინციპის მიხედვით: იმ შემთხვევაში, თუ A-ს, P-სა და R-ის ცვლილება იწვევს ფორმულით გაანგარიშებული 1 ლიტრი ევროდიზელის ნომინალური ღირებულების ( $C_{nom}$ ) სამზე ნაკლები პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უდრის წინა თვის სახელშეკრულებო ფასს, ხოლო იმ შემთხვევაში თუ A-ს, P-სა და R-ის ცვლილება იწვევს ფორმულით გაანგარიშებული 1 ლიტრი ევროდიზელის ნომინალური ღირებულების ( $C_{nom}$ ) სამი ან მეტი პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უტოლდება ფორმულით გაანგარიშებული მიმდინარე თვის ნომინალურ ფასს.

ბ) სახელშეკრულებო ფასის დადგენისას ასევე გათვალისწინებულ უნდა იქნას შემდეგი პრინციპი: იმ შემთხვევაში, თუ მიმწოდებლის საცალო რეალიზაციის ქსელში ერთი ლიტრი ევროდიზელის საანგარიშო თვის საშუალო არითმეტიკული ფასი წინა კალენდარული თვის შესაბამის მაჩვენებელზე 10%-ზე (ასეულის სიზუსტით) მეტით შემცირებულია, მაშინ მიმდინარე თვის არითმეტიკულ ოდენობაზე მინიმუმ 10 თეთრით (0,10 ლარით) ნაკლები, ხოლო თუ 15%-ზე მეტით შემცირებულია – მინიმუმ 5 თეთრით (0,05 ლარით) ნაკლები.

მაგალითი: მიმდინარე თვე არის მარტი, საანგარიშო თვე არის თებერვალი, ხოლო საანგარიშო თვის წინა თვე არის იანვარი. შესაბამისად, თუ მიმწოდებლის საცალო რეალიზაციის ქსელში თებერვლის თვეში ერთი ლიტრის საშუალო ფასი იანვრის ანალოგიურ ფასთან მიმართებაში შემცირებულია 10%-ზე მეტით, მაშინ მარტის თვის  $C_1$  უნდა იყოს თებერვლის თვის საშუალო არითმეტიკულ ფასზე მინიმუმ 10 თეთრით (0,10 ლარით) ნაკლები, ხოლო თუ 15%-მეტით შემცირებულია – მინიმუმ 5 თეთრით (0,05 ლარით) ნაკლები.

4.5 მიმწოდებელსა და შემსყიდველ ორგანიზაციას შორის ანგარიშსწორება ხორციელდება მიმდინარე თვის სახელშეკრულებო ფასის საფუძველზე დადგენილი საანგარიშსწორებო ფასის ( $C_2$ ) მიხედვით, უნაღდო ფორმით, ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. საანგარიშსწორებო ფასი გამოქვეყნდება მიმწოდებლისა და სახელმწიფო შესყიდვების სააგენტოს ვებ-გვერდზე.

4.6 საანგარიშსწორებო ფასის დადგენისას გათვალისწინებულ უნდა იქნეს შემდეგი გარემოება: ევროდიზელის შესყიდვისას, მიმწოდებელი შემსყიდველ ორგანიზაციას წარუდგენს (ელექტრონულად გამოუწერს) თითოეულ ჯერზე გასატანი შესაბამისი მარკის საწვავის მიხედვით გამოწერილ ელექტრონულ ნავთობპროდუქტების საგადასახადო ანგარიშ-ფაქტურას, საწვავის გატანის დღეს.

საანგარიშსწორებო ფასი გამოითვლება ნომინალურ ღირებულებაზე დაყრდნობით განსაზღვრული საანგარიშსწორებო ფასის მიხედვით, რომელიც უნდა იყოს საწვავის გატანის დღისათვის მიმწოდებლის საცალო რეალიზაციის ქსელში არსებულ ფასზე ( $C_R$ ) მინიმუმ 15 თეთრით ნაკლები.

მაგალითი: თუ  $(C_R) - 0.15 \geq C_1$ , საანგარიშსწორებო ფასი უდრის თვის დასაწყისში დადგენილ სახელშეკრულებო ფასს ( $C_1$ ), ხოლო თუ  $(C_R) - 0.15 < C_1$ , მაშინ საანგარიშსწორებო ფასი უდრის  $((C_R) - 0.15)$  ტოლ სიდიდეს.

4.7 შემსყიდველი ორგანიზაცია ვალდებულია საგადასახადო კანონმდებლობით დადგენილი წესის დაცვით მოახდინოს ელექტრონული ნავთობპროდუქტების სპეციალური საგადასახადო ანგარიშ-ფაქტურის დადასტურება არაუგვიანეს მისი ელექტრონულად გამოწერის დღისა ან უარი თქვას მის დადასტურებაზე შესაბამისი დასაბუთებით. ევროდიზელის მიწოდებისას ანგარიშსწორება განხორციელდება ანგარიშ-ფაქტურის დადასტურებიდან 5 სამუშაო დღის ვადაში.

4.8 მიმწოდებელი ვალდებულია ყოველი თვის პირველ სამუშაო დღეს სატენდერო კომისიას წარუდგინოს ხელშეკრულების 4.2 პუნქტით განსაზღვრული A, P და R, მათ საფუძველზე გამოთვლილი 1 ლიტრი ევროდიზელის მიმდინარე თვის სახელშეკრულებო ფასი ( $C_1$ ). ზემოაღნიშნული ფასი დაუყოვნებლივ უნდა განთავსდეს მიმწოდებლის ოფიციალურ ვებ-გვერდზე.

4.9 მიმწოდებელმა თავის ვებგვერდზე ასევე უნდა განათავსოს ინფორმაცია მის საცალო რეალიზაციის ქსელში არსებული 1 ლიტრი ევროდიზელის ყოველდღიური ფასის შესახებ იმგვარად, რომ შესაძლებელი იყოს სატენდერო წინადადების მოქმედების ვადაში თითოეული დღის ფასის ნახვა. მიმწოდებელმა ასევე ყოველი სამუშაო დღის დასაწყისში უნდა მიაწოდოს სატენდერო კომისიას ინფორმაცია მის საცალო რეალიზაციის ქსელში არსებული 1 ლიტრი ევროდიზელის ყოველდღიური ფასისა და წინა დღის პლაცის ოდენობის შესახებ ელექტრონული ფოსტის მისამართზე oil2018@spa.gov.ge.

4.10 იმ შემთხვევაში, თუ შემსყიდველ ორგანიზაციასა და მიმწოდებელს შორის არ ხორციელდება დამატებითი შეთანხმებების სახით მიმდინარე სახელშეკრულებო ფასის ყოველთვიურად ასახვა, ანგარიშსწორების განხორციელებისას ხელშეკრულების მხარეები ხელმძღვანელობენ 4.8 პუნქტით განსაზღვრული მიმწოდებლის ოფიციალურ ვებგვერდზე გამოქვეყნებული მიმდინარე თვის სახელშეკრულებო ფასზე დაყრდნობით.

4.11. 2018 წლის დეკემბრის განმავლობაში მიმწოდებულ საწვავზე ანგარიშსწორება უნდა განხორციელდეს არა უგვიანეს 2019 წლის იანვრის ჩათვლით.

4.12 მიმწოდებელი პასუხისმგებელია საწვავის ფასთან დაკავშირებით წარმოდგენილი, ასევე მის ვებ გვერდზე განთავსებული, ნებისმიერი ინფორმაციის სისწორეზე.

## მუხლი 5. მხარეთა უფლებები და ურთიერთვალდებულებები

### 5.1 მიმწოდებელი ვალდებულია:

ა) უზრუნველყოს შემსყიდველისათვის საწვავის მიწოდება შემსყიდველის მოთხოვნის შესაბამისად, მოთხოვნიდან ათი სამუშაო დღის ვადაში. შემსყიდველის მოთხოვნის საფუძველზე, მიმწოდებელი გამოუწერს შემსყიდველს ელექტრონულ ნავთობპროდუქტების სპეციალურ საგადასახადო ანგარიშ-ფაქტურას (შემდგომში - „ენსაფ“) მოთხოვნილი რაოდენობის საწვავზე. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ენსაფ“-ის დადასტურება არაუგვიანეს მისი ელექტრონულად გამოწერის დღისა, რის შემდეგაც განხორციელდება საწვავის ნავთობბაზაში მიწოდება/გადაცემა ან საწვავის ადგილზე ტრანსპორტირება. საწვავის ნავთობბაზაში/ადგილზე მიწოდების შემდეგ მხარეები აფორმებენ შესაბამის მიღება-ჩაბარების აქტს.

ბ) უზრუნველყოს ამ ხელშეკრულებით მასზე დაკისრებული სხვა ვალდებულებების შესრულება;

გ) სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

### 5.2. მიმწოდებელი უფლებამოსილია:

ა) მოითხოვოს შემსყიდველისგან საწვავის ღირებულების დროული ანაზღაურება ხელშეკრულების 4.7 პუნქტით დადგენილი ვადების შესაბამისად.

ბ) შემსყიდველს შეუჩეროს საწვავის მიწოდება, თუ შემსყიდველი ორგანიზაციის მიერ წინამდებარე ხელშეკრულების 4.7 პუნქტით გათვალისწინებული გადახდის ვადები იქნება დარღვეული.

გ) მოსთხოვოს შემსყიდველს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.

### 5.3. შემსყიდველი ვალდებულია:

ა) მინიმუმ ათი სამუშაო დღით ადრე წერილობით შეატყობინოს მიმწოდებელს საქონლის შესყიდვის თაობაზე - საწვავის ოდენობისა და მიწოდების ადგილის მითითებით.

ბ) განახორციელოს მიმწოდებელთან ანგარიშსწორება ხელშეკრულების 4.7 პუნქტით დადგენილი ვადებისა და პირობების შესაბამისად.

გ) სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

დ) უზრუნველყოს ხელშეკრულების შესრულების კონტროლი (ინსპექტირება).

ე) შეასრულოს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებები

### 5.4 შემსყიდველი ორგანიზაცია უფლებამოსილია:

მოსთხოვოს მიმწოდებელს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.


## 6. ხელშეკრულების შესრულების შეფერხება

6.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ერთმა მხარემ დაუყოვნებლივ უნდა გაუგზავნოს მეორეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორეს მის მიერ მიღებული გადაწყვეტილება აღნიშნულ გარემოებებთან დაკავშირებით.

## 7. ხელშეკრულების პირობების შეუსრულებლობა

7.1 მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, შემსყიდველ ორგანიზაციას უფლება აქვს მიმართოს კონსოლიდირებული ტენდერის სატენდერო კომისიას ხელშეკრულების შეწყვეტის საკითხის გადაწყვეტის მიზნით.

7.2 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, რომელიც გამოითვლება შემდეგნაირად: კონსოლიდირებულ ტენდერში ელექტრონული ვაჭრობის



დასრულების დღეს მიმწოდებლის საცალო რეალიზაციის ქსელში არსებული 1 ლიტრი ევროდიზელის ფასისა და ელექტრონული ვაჭრობის შედეგად დაფიქსირებული საბოლოო ფასის სხვაობის გამრავლებით კონკრეტული ხელშეკრულებით შესასყიდი (დარჩენილი) ევროდიზელის საორიენტაციო მოცულობაზე.

7.3. შემსყიდველის მიერ წინამდებარე ხელშეკრულების 4.7 პუნქტით განსაზღვრული გადახდის ვადის დარღვევისათვის, მიმწოდებელი უფლებამოსილია მოსთხოვოს შემსყიდველს (ხოლო ასეთი, მოთხოვნის შემთხვევაში შემსყიდველი ვალდებულია აუნაზღაუროს) პირგასამტეხლო - ყოველ ვადაგადაცილებულ დღეზე გადაუხდელი თანხის 0.1%-ის ოდენობით.

## 8. ხელშეკრულებაში ცვლილებების ან/და დამატებების შეტანა

8.1. წინამდებარე ხელშეკრულებაში ნებისმიერი ცვლილების ან/და დამატების შეტანა განხორციელდება მხარეთა შორის შეთანხმებით, რომელიც დადასტურებული უნდა იყოს ორივე მხარის უფლებამოსილი წარმომადგენლის ხელმოწერით.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულებაში ცვლილების ან/და დამატების შეტანის აუცილებლობა, ცვლილებების ან/და დამატების შეტანის ინიციატორი ვალდებულია წერილობით შეატყობინოს მეორე მხარეს ამის შესახებ.

## 9. ხელშეკრულების შეწყვეტა

9.1. ხელშეკრულება წყდება ავტომატურად ხელშეკრულების მოქმედების ვადის ამოწურვისთანავე.

9.2. წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად (შემსყიდველის მხრიდან შეწყვეტის შემთხვევაში - მხოლოდ სატენდერო კომისიის რეკომენდაციის საფუძველზე), თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით.

9.3. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

9.4. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლის ან/და ზიანის ანაზღაურება.

## 10. დავების გადაწყვეტა

ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

## 11. დაუძლეველი ძალა

11.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება შესაბამისი პასუხისმგებლობისგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11.3 თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს სატენდერო კომისიის თანხმობით ცალმხრივად შეწყვიტოს ხელშეკრულება.

## 12. ხელშეკრულების მოქმედების ვადა

12.1 წინამდებარე ხელშეკრულება ძალაში შედის მხარეთა მიერ მისი ხელმოწერისთანავე და იგი ძალაშია 2018 წლის 31 დეკემბრის ჩათვლით.



13. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

14. მხარეთა რეკვიზიტები:

შემსყიდველი:

სსიპ ფრიდონ თურმანიძის სახელობის ქედის

მუნიციპალიტეტის სოფელ მერისის

მის: ქედის რაიონი/სოფ მერისი

ს/კოდი 246760704

მობ : 577 304074

დირექტორის მ/შ

გია ბარამიძე



მიმწოდებელი:

ს/ს „ვისოლ პეტროლიუმ ჯორჯია“

მის: ქ. თბილისი, ჭავჭავაძის გამზ. #748

ს/ს „თიბისი ბანკი“

ბანკის კოდი: TBCBGE22

ა/ა: GE48TBI100000018467453

ს/კოდი: 202161098

ბათუმის სერვის ცენტრის ხელმძღვანელი

რამაზ ხინთიბიძე



მხარეთა შორის 2018 წლის 29 ოქტომბერს გაფორმებულ ხელშეკრულებაზე

| № | საშენობის<br>დასახელება                                | საწვავის ძირითადი<br>მახასიათებლები | საორიენტაციო<br>რაოდენობა<br>(ლიტრი) | ერთეულის<br>ფასი<br>ხელშეკრულ<br>ების<br>გაფორმების<br>დღისთვის<br>(ლარი) | საორიენტაციო<br>სამართო<br>ღირებულება<br>(ლარი) | მიწოდების<br>ადგილი        |
|---|--------------------------------------------------------|-------------------------------------|--------------------------------------|---------------------------------------------------------------------------|-------------------------------------------------|----------------------------|
| 1 | 2                                                      | 3                                   | 4                                    | 5                                                                         | 6                                               | 7                          |
| 1 | არაუმეტეს 10<br>PPM დიზელის<br>საწვავი<br>(ევროდიზელი) | (არაუმეტეს 10 PPM)                  | 5000                                 | 2,38                                                                      | 11900                                           | ქედის რაიონი<br>სოფ მერისი |


შემსყიდველი:

სსიპ ფრიდონ თურმანიძის სახელობის ქედის  
მუნიციპალიტეტის სოფელ მერისის  
მის: ქედის რაიონი/სოფ მერისი  
ს/კოდი 246760704  
მობ : 577 304074  
დირექტორის მ/შ  
გია ბარამიძე



მიმწოდებელი:

ს/ს „ვისოლ პეტროლიუმ ჯორჯია“  
მის: ქ. თბილისი, ჭავჭავაძის გამზ. #748  
ს/ს „თიბისი ბანკი“  
ბანკის კოდი: TBCBGE22  
ა/ა: GE48TB1100000018467453  
ს/კოდი: 202161098



ბათუმის სერვის ცენტრის ხელმძღვანელი

რამაზ ხინთიბიძე